


五代會要



		漢書門類
二	四	八
一	二	八
一	四	八
一	六	冊

子孫永保
雲煙家藏書記
共十六卷

內閣文庫	漢書
二	四
一	二
一	六
一	六
冊	冊

內閣文庫	
番號	漢 2428
冊數	16 (4)
函號	294 26

六



A 1 2 3 4 5 6 7 8 9 10 11 12 13 14 15 B 17 18 19

Kodak Gray Scale



© Kodak, 2007 TM, Kodak






五代會要卷六

宋

王

溥

撰



開延英儀



內中有公事商量卽降宣頭付閣門開延英閣門翻
宣申中書并勝正衙門如中書有公事敷奏卽宰臣
入勝子奏請開延英祇是宰臣赴對閣門使奏宰臣
某已下延英候對宣徽使殿上宣通次閣門使奏中
書門下到次宣徽使喚次閣門使傳聲喚次通事舍
人引宰臣當殿立班贊兩拜搢笏舞蹈又三拜奏聖

躬萬福又兩拜金口宣上來又兩拜通事舍人引上
殿至御座前又兩拜問聖體皇帝宣安又兩拜三呼
萬歲各分班案前立定兩樞密使在御榻西面祇候
其餘臣寮並約近外次奏事訖宣賜茶又兩拜三呼
萬歲賜坐喫茶對訖下殿兩拜宣賜酒食舞蹈謝恩
訖宣徽使喝好去就中書喫食延英畢次兩省官轉
對閣門使當殿奏某已下轉對宣徽使殿上宣通次
閣門使奏某已下到次宣徽使喚次閣門使傳聲喚
次通事舍人引當殿立定贊兩拜搢笏舞蹈又三拜

奏聖躬萬福又兩拜殿下奏事訖宣賜酒食又兩拜
舞蹈謝恩閣門使喝好去南班揖殿出于客省就食
次對官御史中丞三司使京兆尹並各奏所司公事
次閣門使奏某祇候次對宣徽使殿上宣通次閣門
使奏某到次宣徽使喚次閣門使傳聲喚次通事舍
人引當殿立定贊兩拜搢笏舞蹈三呼萬歲又三拜
訖奏聖躬萬福又兩拜奏所司公事訖宣賜酒食又
兩拜舞蹈謝訖閣門使喝好去南班揖殿出于客省
就食合赴延英中謝官文武兩班三品及御史中丞

左右丞諸行侍郎諫議給事中書舍人并諸道節度觀察防禦團練使刺史兩縣合皆入謝並通喚文武四品已下及諸道行軍司馬節度副使兩使判官書記支使推巡令錄等舊例並不對敷申謝祇於正衙朝謝

常朝

梁正明中中書門下奏文武常參官自今日日連三日常朝訖先准宣旨每三日後放一日朝參者右臣等商量整准進止放今日日朝參以便宣行訖檢年

月日不獲

後唐同光元年十二月中書門下奏每日常朝百官皆拜獨兩省官不拜准本朝故事朝退于廊下賜食謂之廊餐百官遂有謝食拜唯兩省官本省有厨不赴廊餐故不拜伏自僖宗幸蜀迴以多事之後遂廢廊餐百官拜儀至今未改將四十載禮恐難停唯兩省官獨尙不拜豈可終日趨朝會不一拜獨于班列有所異同若言官是近臣於禮尤宜肅謹起今後逐日常朝宜不坐除職事官押班不拜外其兩省官與

東西班並齊拜從之

天成元年五月十九日勅本朝舊日趨朝官置待漏院候子城門開使人立班如遇不坐前一日晚便宣來日兩衙不坐其日纔明閣門立班便宣不坐百官各退歸司近年已來雖遇不坐正殿或是延英對宰臣或是內殿親決機務所司不循舊制往往及辰已之時尙未放班既日色已高致人心咸倦今後若遇不坐日未御內殿前便令閣門使宣不坐放朝退班三年十二月中書門下奏逐日常朝宣奉勅不坐兩

省官與東西兩班並拜押班宰相不拜或聞班行所論承前日有廊餐百官謝食兩省即各有常厨從來不拜或云侍臣不拜檢尋故實不見明規百寮拜爲有廊餐即承旨合宜有勅賜食供奉官不拜亦恐非儀且左右前後之臣日面天顏豈可不拜臣等商量今後常朝押班宰臣亦拜通事舍人亦拜閣門外放仗亦拜從之

晉開運元年十一月尙書吏部侍郎張昭遠奏文武常參官日於正衙立班閣門使宣不坐後百寮俱拜

舊制唯押班宰相押樓御史通事舍人各緣提舉贊揚所以不隨庶官俱拜自唐天成未議者不悉朝儀遽違舊典遂令押班之職一例折腰此則深忽禮文殊乖故實且宰臣居庶寮之首御史持百職之綱嚴肅禁廷糾繩班列慮于拜揖之際或爽進退之宜於是凝立靜觀檢其去就若合旅拜旅揖實恐非儀况事要酌中恭須近禮人臣愛主不在于斯其通事舍人職司贊導比者兩班進退皆相其儀今則在文班武班之前居一品二品之上端笏齊拜禮實未聞其

押班宰相押樓御史通事舍人並請依天成三年已前禮例施行殿中侍御史賈元珪奏除押樓御史通事舍人請依張昭遠奏其宰臣押班請依舊設拜從之

廊下餐

後唐天成元年五月詔每月朔望日賜百官廊下餐

唐室升平日常參官每日朝退賜食謂之廊餐自乾符亂離之後祇遇月旦朔日入閣日賜上初卽位命百官五日一起居李琪以爲非故事請罷之唯每月朔望日命入閣賜食至是宣旨朔望入閣外依舊五日一起居遂爲定式

二年四月御史臺奏今日三日廊下餐百官坐定兩省方來自五品以下輟起勅每赴廊餐如對御宴若行私禮是失朝儀宜各罰半月俸

長興三年三月詔文武兩班每遇入閣賜食從前御史臺官及諸朝官皆在敷政門外兩班食唯北省官於敷政門內別坐既為隔門各不相見致行坐不齊難于肅整今後每遇入閣賜食北省官亦宜令於敷政門外東廊下設席以北為首待班齊一時就坐

晉天福二年三月御史臺奏唐朝令式南衙常參官

文武百官每日朝退於廊下賜食自唐末亂離常食漸廢仍於入閣起居日賜食每入閣禮畢閣門宣放仗羣臣俱拜謂之謝食至清泰年中入閣禮畢更差中使至正衙門口宣賜食百官並立班重謝交失本根今後入閣賜食望不差中使口宣從之其年四月御史臺奏文武百官每月朔望入閣禮畢賜廊下食在京時祇於朝堂幕次兩廊下今在行朝於正衙門外權為幕次房廊狹隘伏恐五月一日朝會禮畢准例賜食於幕次難為排比伏見唐明宗時兩省官于



文明殿前廊下賜食今未審入閣日權于正衙門內
兩廊下排比賜食爲復別有處分勅宜依明宗時舊
規廊下賜食

周顯德四年正月詔曰文武百寮起今後每遇入閣
日賜廊下食

輟朝

梁中書門下奏請輟朝榜子

檢年月不獲

某官薨

次日入狀贈官

右臣等商量請輟今日每日朝以便宣行謹錄奏聞
謹奏如是輟朝兼宣放勅并下御史臺

乾化元年五月清海軍節度使守侍中兼中書令劉
隱薨輟朝三日百官詣閣門奉慰

後唐天成元年十二月中書門下奏太常禮院狀追
冊四廟雖不載文請輟三日朝參從之

晉天福三年正月前興元節度使張筠薨太常禮院
申准故事前節度使無禮例輟朝敕宜特輟一日朝
參

雜錄

後唐同光二年正月四日四方館奏常朝諸職員多

有叅雜今後除隨駕將校外方進奉使文武兩班三品已上官可於內殿對見其餘並詣正衙以申常禮從之

天成元年八月御史臺奏凡新除官及差使者合於正衙謝辭每遇正殿起居日百官不于正衙序班致差使及新除官辭謝不得或恐差使者已定發日除宣催發以一日無班便妨辭謝臣今叅詳每內殿起居日百官先序班于文明殿庭候辭謝官退則班入內殿從之其年十二月三日御史臺奏爲論每日常

朝及五日起居事件如後一常朝辭謝官合在南班候閣門宣放朝參與百官同拜若遇入閣敷政門外序班百官雖不拜亦因傳宣喚仗南班以此節奏便展拜儀今伏見每遇內殿起居日先於常殿前序班百官雖不設拜祇候宰臣到便依次第入閣門祇候起居固不便傳宣命若有南班辭謝稍似非宜伏請自今後其日不許辭謝皆令次日便有常朝班即得辭謝若遇急前公事即請准舊例合隔門辭謝或於祇候宣放其文武兩班不更於文明殿前序立祇於


中興殿門外序立祇候宰臣到便依次第入起居伏
准故事常參官每日趨朝非准格令不得無故請假
如或實有疾病爲衆所知損後未朝參官不得私行
人事若是除授新官敕下後未正衙謝間並不得行
私禮及先到宰臣宅如違准故事舉勘如更有臨公
事託故請假必申中書門下取裁此後如有小小事
故請假一月內不得過三度若過三度一日二日卽
書罰三日不到卽申中書門下請具聞奏已條流知
班驅使官兩巡仍不得輒受囑託句班若遇祁寒暑

雨特放卽繫在聖恩伏准故事吏部選限自貞觀八
年唐皎爲吏部侍郎以選人稍衆奏請以冬初大集
季春而畢今緣選人未多免朝合約新定條格伏請
南曹郎官自鑱曹前五日免朝三日銓自鑱銓前三
日免朝至三月三十日若遇入閣及起居內宴橫行
參假追朝御樓御殿謝賀行香閣門班中書班城外
班衆集並須准例祇候如或一度兩度不到書罰三
度不到申中書門下請具聞奏其餘並不得無故入
班一應免朝官三司繫職并兩縣徵科內除免常朝

五代會要 卷六
外竝請官吏部銓曹免朝官例祇候如或不到准前
書罰奉勅盧文紀自領憲綱頗思振舉備觀條奏皆
叶通規李琪以內殿起居不廢辭謝並恐留滯乃是
權宜盧文紀以正衙序班恐墮故事請候次日亦可
允依所請三銓免朝事繁繁省選人既少公務非多
宜且依請奏銓鎖前五日免朝將來人數漸多須容
點檢卽許開曹後免朝永以爲例

三年十一月十一日中書舍人劉贊奏往例應諸道
節度使及兩班大寮凡對明庭例合通喚近日全廢
此儀伏乞特詔所司重定向來格品若合通喚准舊
施行中書帖四方館令具事例分析申上據狀稱舊
例節度使新除中謝及罷任赴闕朝見合得通喚文
班三品已上官武班二品已上官新除中謝及使回
朝見亦合得通喚從之

四年正月十七日中書門下奏准往例起居補闕拾
遺御史郎中員外郎少卿監國子司業已下每加新
命祇於正衙謝後便常朝竊見邊遠令錄尙自對敷
班行臣寮並宜中謝今後凡升朝官望並令中謝從



之

長興二年十二月七日敕前任節度防禦團練使刺史今後免逐日常朝宜合五日隨例起居

四年四月九日敕御史臺刑部大理寺官員遇有公事推勘詳斷時宜與免朝叅兼不得私行人事若無公事卽依尋常赴朝

清泰三年三月閣門奏列內外官吏對見例應諸州差判官軍將貢奉到闕無例朝見以名銜奏放門見賜酒食得迴詔進勝子放門辭臣今後欲祇令朝見

餘依舊規應諸道兩使判官推官巡官無例中謝奏遇謝放辭如得替歸京無例朝見臣欲今後除兩使判官許中謝門辭其書記已下新除授及得替無依舊規應文武朝官除授文五品武五品四已上並中謝已下無例對謝以天成四年正月敕凡升朝官新授並中謝欲准此例應諸道節度使差判官軍將進奉到闕朝見得迴詔下勝子奏過令門辭應諸道都押衙馬步都虞候鎮將得替到京無例見或在京授任無例中謝進勝子放謝辭應諸道商稅鹽麴諸色務

五代會要 卷六 信光閣藏
官在京差補亦放謝辭得替歸京亦無見例在京商
稅鹽麴兩軍巡使卽許中謝應新除令錄並中謝次
日放門辭兼有只宣誠勵應文武兩班差弔祭使及
告廟祠祭祇于正衙辭見不赴內殿諸道差進奏官
到闕得見後請假得替進勝子放門辭已前六件望
准舊例施行從之

晉天福五年正月宰臣馮道奏宰臣朝見辭謝在廟
堂橫街之南及至餘官卽悉于崇元殿門內此蓋事
因偶爾習以爲常又入閣禮畢之時羣官退於門外
定班如初候宣放仗惟翰林學士前任郡守等不隨
百官卽時直入直出此二者禮僭序失伏乞改正勅
官爵之班卽分高下見謝之位豈有異同宜立通規
以爲定制今後宰臣使相朝見辭謝並於崇元門內
與諸官重行異位一時列拜假內橫行卽從舊例又
入閣之儀其翰林學士前任郡守等今後入閣宜依
百官班列不得先出

七年五月中書門下奏時屬爰蒸事宜簡省應五日
百官起居卽令押班宰臣一員押百官班其轉對官

兩員封事付閣門使引進本官起居後隨百官退不用別出謝恩其文武內外官寮乞假寧觀婚葬病損並門見門辭諸道奉進物等不用殿前排列引進使引至殿前奏云某等進奉物便出進奉使朝見日一人致詞都付起居刺史并諸道行軍副使馬步軍都指揮使已下差人到闕門見並門辭州縣官謝恩日申頭一人致詞不用逐人告官其供奉官殿直等如是常直及合於殿前排列者即入起居如當直者不用每月起居委宜徽院專切點檢尙須齊整從之

時帝不豫難于視朝故權有此奏

開運元年八月尙書倉部郎中知制誥陶穀奏內外臣寮正衙辭謝欲望除宰臣使相依舊押班其郡牧藩侯臺省寺監長史等不得令部內本司卑冗官員同班辭謝從之

周廣順三年三月御史臺奏應除授節度使防禦團練使刺史行軍副使等近日不到正衙辭謝多稱別奉宣旨勅今後此色除授宜令閣門告報勒正衙辭謝如有宣旨放辭謝閣門具姓名分明投御史臺四

五代會要 卷六
方館其年十月十二日敕今後起更有受官不赴衙謝人宜令門下省御史臺檢舉追勘聞奏其授官後違程不赴任並准元勅殿選如選未滿便來乞官者除外別行降黜施行

顯德五年閏七月一日御史臺奏文武百官每日赴朝參不到如是常朝不到於本官料錢上每貫罰二十五文如是內殿起居入閣行香出城衆集及非時慶賀御殿橫行參不到並是倍罰臺司先勝幕次曉示本官限三日外卽牒三司剋折如有故會陳牒卽

將領由呈驗又十六年條准元和二年十二月內御史臺奏文武常參官准乾元元年三月敕如有朝堂相弔慰相跪拜待漏行立失序談笑誼譁入衙內執笏不端行立遲慢至班列行立不正趨拜失儀拜跪不俯伏舒脚穿班仗出門不卽就班無故離位廊下食行坐失儀拜起無度抵夜退朝不從正衙門出非公事入中書每犯者奪一月俸今商量此舊條各減一半如所由指揮尙或抗拒卽准舊例錄奏貶降從之

諸侯入朝

後唐長興元年七月敕諸道得替防禦團練等使及
刺史到京朝見後並宜班行比擬如未有員闕可令
隨常參官遂立班二年十二月諫議大夫盧損奏請
前任節度防禦團練使刺史每五日隨例起居從之
清泰元年十一月御史臺奏前任節度防禦團練使
刺史行軍副使近議五月一日內殿起居皆綴班序
立元係班簿雖曰便殿起居其遇全班起居時亦合
綴班從之

百官奏事

晉天福二年五月敕宜令在朝文武臣寮每人各進
封事一件仍須實封通進

親王與朝臣行立位

後唐長興三年正月中書門下奏見任宰臣四外其
餘諸使兼侍中中書令平章事並是使相向來班序
皆在見任宰臣之下今緣秦王從榮是親王新加兼
中書令與諸使相不同每遇排班及到中書位次未
定今後望諸親王官至兼侍中中書令則與見任宰

臣分班定位宰臣居左親王兼侍中中書令居右如親王及諸使守侍中中書令亦並是使相既不知印不署敕亦分行居右其餘使相依舊規從之

四年九月敕天下兵馬大元帥秦王從榮位隆將相望重磐維委任既崇等威合異班位宜在宰相之上

文武百官朝謁班序

後唐清泰二年十一月知彈御史奏今月二日班入遇雨移班廊下移班臺吏董瑾引僕射在中丞三院御史之下僕射詰問董瑾稱准常例臺司仍刺都省

請檢討舊儀都省稱國朝以端揆之重師長百寮雖在列司皆爲統屬且左右僕射常朝不在中丞之下赴宴廊下餐並在中丞之上况中丞有公叅之禮進下路之儀詳其道理自有等降臺司又堅稱李琪盧質任僕射日班亦如此又引通事舍人在一品班上尋申中書門下奏宰臣判令廊下使重定班位廊下使言今後遇雨移班廊下欲請依殿前磚位次第二品在三品前一品後如中丞大夫俱置卽大夫在中丞前其西班准此謹具奏聞勅宜令置一品二品三

品磚位

晉開運二年八月御史臺奏宰相和凝新除右僕射入朝就列儀注責得臺吏喬得威狀稱新除僕射正衙朝謝後次日中丞率三院御史到僕射廳公叅相次文武百官公叅趨朝時不序班入在中丞之前兼舊例除拜御史大夫趨朝退出在兩省之前僕射出在大夫之前近年已來入朝祇在中丞之前朝退僕射出却在兩省之後銀臺司遂檢唐朝舊儀伏見元和七年二月七日勅所定僕射趨朝出入儀注甚重

今後欲請常朝序班候御史中丞羣官先入以次東宮保傅入次兩省入次僕射入及朝退僕射先出次以兩省官出東宮保傅出次御史中丞百官出從之周廣順三年十一月中書省奏新除起居舍人邊珣任徹其邊珣已謝任徹奉使未回任徹自左補闕除授邊珣自右補闕除授任徹舊官已在邊珣之上今任徹是勅頭近日同制授官多以先謝爲上伏慮任徹使回行立班次難定勅同制授官但以勅命已定班次不可輒移謝日或有先後豈得便爲升降今後

同制授官宜准元和十五年勅行立班次以勅內先
後爲定其考滿月數以朝謝月日計數

內外官章服

周顯德元年正月一日勅節文今後升朝官四任以
上著綠十五周年者與賜緋凡州縣官歷任內曾經
五度參選者雖未及十六考與授朝散大夫階年七
十已上合授優散官者並賜緋非時特恩不拘此例

雜錄

梁開平二年七月敕車服以庸古之制也貴賤無別
罪莫大焉應內外將相許以銀飾鞍勒其刺史都將
內諸司使以上祇許用銅飾仍永爲定式

四年五月敕奇衰亂正假僞奪真旣典刑之不容宜
犯違而莫赦應東西兩京及諸州府製造假犀玉真
珠腰帶簪珥并諸色售用者等一切禁斷應公私人
家先已有者所在送納長吏面前毀棄

後唐天成二年正月敕今後三京及諸道州使職員
名目是押衙兵馬使指揮使已上騎馬得有暖坐
都將衙官使下係名目者祇得衣紫皂衣庶人商旅

祇著白衣庶人有富戶或投名於勢要以求影庇或
希假攝貴免丁徭如此色人仰所在禁勘以肅姦欺
戟
晉天福三年五月詔應中外臣寮帶平章事侍中中
書令及諸道節度使並許私門立戟仍並官給及據
官品依令式

論樂上

晉天福五年七月詳定院奏先奉敕正冬二節朝會
舊儀禮節樂章二舞行列等事宜差太常卿崔悅御

史中丞竇貞固刑部侍郎呂琦禮部侍郎張允興太
常寺官一一詳定今檢討典經具述制度按禮云天
子以德爲車以樂爲御大樂與天地同和又曰安上
治民莫善於禮移風易俗莫善於樂書云夫樂在耳
曰聲在目曰容聲應乎耳可以聽知容藏于心難以
貌覩故聖人假於羽旄以表其容發揚蹈厲以見其
意聲容和合則大樂備矣又按義鏡問鼓吹十二按
合於何所答曰周禮鼓人掌六鼓四金漢朝乃有黃
門鼓吹崔豹古今注云因張騫使西域得摩訶兜勒

一曲李延年增之分爲二十八曲梁置鼓吹清商合
二人唐又有搖鼓金鉦大鼓長鳴歌簫箏笛合爲鼓
吹十二按大享會則設於懸外此乃是設二舞及鼓
吹十二按之由也今議一從合式排列教習文舞郎
六十四人分爲八份份八人左手執籥禮云葦籥伊
耆氏之樂也周禮又籥師教國子爾雅曰籥如笛三
孔而短大者七孔謂之產歷代以文舞所用凡用籥
六十有四右手執翟周禮所謂羽舞也書曰舞于羽
于兩階翟山雉也以雉羽分析連攢而爲之二人執

纛前引數於舞人之外文舞冠進賢冠服黃紗袍白
紗中單皂領襖白練褹襜白布大口袴革帶烏皮履
白布鞵武舞郎六十四人分爲八份左手執干干楯
也今之旁牌所以翳身也其色赤中畫獸形故謂之
朱干周禮所謂兵舞取其武象用楯六十有四右手
執戚戚斧也上飾以玉故謂之玉戚二人執旌前引
旌似旗而小絳色畫升龍二人執鼗鼓二人執鐸周
禮有四金之奏其三曰金鐸以通鼓形如大鈴仰而
振之金錞二每錞二人舉之一人奏之周禮四金之

奏其一曰金鐃以和鼓鑄銅爲之其形圓若碓頭上
大小下小高三尺六寸有六分圍二尺四寸上有伏虎
之形旁有耳獸形銜環二人執鐃以次之周禮四金
其二曰金鐃以止鼓如鈴無舌搖柄以鳴之二人執
相在左禮云理亂以相狀如小鼓用皮爲表實之以
糠拊之以節樂二人執雅在右禮云訊疾以雅以木
爲之狀如漆箭揜口大二圍長五尺六寸以羊皮鞞
之旁有二紐髹畫殿辭而出以器築地明行不失節
武舞者服錦平巾幘金支緋絲布大袖緋絲襦襜甲

金飾白練襜褕錦騰蛇起梁帶豹文大口布袴烏皮
鞞工二十數在舞人之外武弁朱鞞革帶烏皮履白
練襜褕白布鞞殿廷加鼓吹十二案義鏡云常設氈
案以氈爲牀也今請製大牀十二牀容九人眠作歌
樂其牀爲熊羆虎豹騰倚之狀以承之象百獸率舞
之意分置於建鼓之外各三案每案羽葆鼓一大鼓
一金鐃一歌二人簫二人十二案樂工一百有八人
舞一百三十有二人取年十三已上弱冠已下容止
端正者充其歌曲名號樂章詞句詩中書條奏差官

修擇從之

其月宴羣臣于承福殿奏黃鍾之樂司封

有爭者或問之奚知其然對曰夫有天地辰宿有軌
數形色有陰陽順逆有離合隱見天數五地數六六
五相合十一月而生黃鍾者同律之主五音之元宮
也子寅卯巳未酉戌謂之羽子寅辰午未酉亥謂之
宮子酉卯巳未申戌謂之角子卯辰巳未酉戌謂之
羽子寅辰午未酉亥謂之宮子酉卯巳未申戌謂之
角子卯辰巳未酉戌謂之商四者靡靡成章峻而且
厲鄭衛之音此之謂也雖高有所忽微中有所闕漏
與夫推歷主律命呂九六之偶旋相為宮三正合天
地之美四宗同陰陽之序者于其通人神宣歲功主
成軌儀之德統協長短之算則精粗異矣在乎審治
亂察性情原性情應形兆則殊途而同歸者也三正
者一為天二為地三為人七宗者黃鍾為宮太簇為
商姑洗為角林鍾為徵南呂為羽應鍾為變宮蕤賓
為變徵角為木商為金宮為土變徵為日變宮為月
徵為火羽為水龍角元龜天豕井猴主乎角平亢河

鼓晏聚輿鬼主乎商天根須女庖俎鳥喙主乎宮辰

馬陰虛危頭大都主乎變徵大火邱封天高鳥獮

主乎變宮龍尾元室四兵天倡主乎徵天津東壁參

伐輓車主乎羽角之數六十有四商之數七十有二

宮之數八十有一變徵之數五十有六變宮之數四

十有二徵之數五十有四羽之數四十有八極商之

數九十陽之數一百一十有八陰之數一百一十有

二五音之數畢矣神無形而有化處乎陰數之間故



昭之以音合之以筭陰以定主筭以求象觸於耳而

激於心由是而知也夫何疑哉俄而有軍校闕毆于

升龍門外厲聲稱

反有司執之以聞

五代會要卷六終



三
徳
政
書
院

三
徳
政
書
院

三

三
徳
政
書
院

